

Txoj Kev Tau Ntsib Muaj thiab Txoj Kev Xav Tau ntawm Kev Tu Xyuas Me Nyuam thiab Kev Kawm Ntawv Ntxov ntawm Cov Pawg Neeg Pab Tsis Cuag hauv Wisconsin

Nyeem tsab ntawv kom txhij hauv [PDG Sandbox](#).

Hmoob


Ib feem ntawm Statewide Needs Assessment (Ntsuas Kev Xav Tau Thooob Xeev) rau Preschool Development Grant (PDG) (Nyiaj Pab Tsim Tsa Kev Pab Cov Me Nyuam Tsis Tau Pib Kawm Ntawv), lub University of Wisconsin-Madison (Wisconsin Tsev Kawm Ntawv Qib Siab hauv Madison) Center for Community and Nonprofit Studies (Chaw Kawm txog Zej Zog thiab Lag Luam Khwv Tsis Yuav Nyiaj) sib tham nrog cov tsev neeg (xws li cov niam txiv, cov niam tais yawm txiv pog yawg, cov niam qhuav txiv qhuav) thiab cov neeg zov tu me nyuam ntawm Wisconsin cov pej xeem pab tsis cuag. Cov kev sib tham no nug kom nkag siab ntxiv txog tsev neeg thiab cov neeg zov tu me nyuam txoj kev xav tau thiab txoj kev nyuaj lawv tau ntsib thaum lub sijhawm lawv nrhiav kev pab rau me nyuam ab hauv xeev Wisconsin.

Cov ntsiab lus ntawm kev sib tham



- »»» Cov tsev neeg feem ntau xum tau neeg Hmoob zov tu me nyuam kom lawv pab txhawb tau cov me nyuam txoj kev paub txog lawv tus kheej, lawv yog leej twg, thiab siv lus Hmoob ntxiv mus.
- »»» Kev ntseeg siab yog ib yam tseem ceeb thaum nrhiav tus neeg zov tu me nyuam. Vim txhawj txog kev raug mob, kev ntxub ntxaug, kev tsis nyiam lwm haiv neeg, thiab kev tsis nyiam lwm qib neeg.
- »»» Muaj ntau cov tsev neeg siv lawv niam tais yawm txiv pog yawg los siv lwm cov neeg (uas tsis yog neeg kawm los zov tu me nyuam) pab zov lawv cov me nyuam. Cov neeg zov tu me nyuam no yuav tsum tau txoj kev pab txhawb, li nyiaj txiag, kev kawm ntawv, kev sib xyuas raug zoo, thiab kev pab rau kev mob hlwb nyuaj siab.
- »»» Ua ib tus neeg zov tu me nyuam khwv tsis tau nyiaj ruaj—nyiaj ua hauj lwm tsawg dhau thiab tsis muaj kev pab txaus mus kawm ntawv ntxiv thiab kawm ntawv kom tiav.

Tau Sib Tham Nrog 14 Tus Pej Xeem Hmoob Hauv Zej Zog



*2010 Census of Population and Housing (Kev Txheeb Suav Pej Xeem thiab Vaj Tse Nyob), U.S. Census Bureau (Teb Chaws Asmeska Kev Txheeb Suav Pej Xeem)

Muab tau los ntawm cov Nyiaj Txiag Pab, Cim Tus Npawb 90TP007601 hauv Office of Child Care (Chaw Lis Kev Zov Tu Me Nyuam), Administration for Children and Families (Chaw Khiav Hauj Lwm Pab Rau Cov Me Nyuam thiab Cov Tsev Neeg), U.S. Department of Health and Human Services (Teb Chaws Asmeska Ceg Ua Hauj Lwm Saib Xyuas Kev Noj Qab Haus Huv thiab Pej Xeem).



Tsev Neeg Hmoob thiab Neeg Zov Tu Cov Kev Xav

Thaum lub sijhawm ntsuas thiab hloov txoj kev zov tu thiab kawm ntawv ntxov, Department of Children and Families (DCF) (Chaw Ua Hauj Lwm Pab Rau Cov Me Nyuam thiab Cov Tsev Neeg) lub hom phiaj yog kev ncaj ncees thiab kev xam txog txhua leej txhua tus. Cov nqe lus nug txog kev muaj kev siv, nqi them taus, kev zoo los tsis zoo, thiab lub zog hauj lwm. Ntawm no yog cov lus nthuav qhia los ntawm cov tsev neeg Hmoob thiab cov neeg zov tu me nyuam, lawv txoj kev ntsib thiab txoj kev xav. Xav paub ntxiv, mus xyuas [DCF qhov vas sab](#).

- » Txoj kev yuav tshawb nrhiav qhov chaw tu me nyuam zoo nyuaj heev. Yuav tsum tau tshawb ntau qhov chaw.

“Kuv thawj tug me nyuam, kuv tsis paub pib qhov twg... kuv tsis paub hais tias kuv tus txiv qhov chaw hauj lwm muaj qhov chaw zov me nyuam. Muaj hmoo tom qab wb qhia ib tug neeg ua hauj lwm nrog nws txog wb txoj kev nrhiav neeg zov me nyuam nyuaj, nws qhia rau wb paub.”

- » Nqi zov me nyuam kim heev. Tej thaum yeej npaum li ib daim tshev los sis ib lub hli nqi tsev. Qee cov tsev neeg thov lawv cov txheeb ze pab vim lawv them tsis taus nqi zov me nyuam, thiab feem ntau lawv khwv tau nyiaj tshaj qhov tsim nyog tau kev pab.

“Kuv nyob La Crosse, kuv mus pab zov kuv cov xeeb leej xeeb ntxwv rau Madison. Tej thaum kuv tau mus tsev thaum cov hnuv so.”

- » Cov tsev neeg tsis paub hais tias nqi zov me nyuam yog them mus siv ua dab tsi.

- » Kev zov me nyuam zoo yuav tsum ceev faj txog kev raug mob, kev ntxub ntxaug, kev tsis nyiam lwm haiv neeg, thiab kev tsis nyiam lwm qib neeg. Cov neeg ua hauj lwm, lwm cov me nyuam, thiab cov ntaub ntawv lawv nyeem yuav tsum muaj ntau haiv neeg sawv cev rau me nyuam pom kom lawv paub hais tias lawv yog leej twg.

- » Yog yus siv yus cov neeg txheeb ze zov yus tus me nyuam, txawm hais tias lawv zov zoo npaum li cas los lub xeev Wisconsin tsis xam txog hais tias lawv zov me nyuam zoo. Cov laus feem ntau hais tias lawv sab heev thiab tsis muaj siab zov me nyuam vim hais tias nom tswv tsis muaj kev pab thiab tsis pom txiaj ntsim.

- » Txoj kev yuav ua ib tug neeg zov tu me nyuam nyuaj heev rau haiv neeg Hmoob vim tias feem ntau cov kawm ntawv tiav muaj tsawg. Txawm tias lawv pab qhia txog tej kab lis kev cai muaj nqis los nom tswv tsis xam tias cov txuj ci no muaj nqis.

“Yeej muaj cov neeg zov tu me nyuam uas yog peb haiv neeg, tiam sis lawv tsis tau kawm ntaub ntawv txog kev xeeb loj ntawm me nyuam yaus. Thiab lus Hmoob tsis muaj kev hais txog kev xeeb loj ntawm me nyuam yaus.”

- » Kev koom nrog YoungStar nyuaj heev rau cov neeg zov tu me nyuam uas tsis txawj lus Askiv. Tu nqi kawm kom koom tau kim tshaj li cov neeg zov tu me nyuam muaj peev xwm them taus. YoungStar cov kev ntsuas tsis xam tias kab lis kev cai muaj nqis.

- » Kev xyaum kawm muaj tsawg heev. Thiab tsis lees paub txog cov haiv neeg txawv thiab cov txuj ci txawv uas cov neeg zov tu me nyuam muaj. Cov neeg zov tu me nyuam xav tau ntaub ntawv kom txhawb txog ntau hom kab lis kev cai txawv, tiam sis feem ntau lawv tsis muaj kev mus muab cuag tau los sis tsis muaj rau lawv.

“Kuv tau siv kuv li nyiaj thiab siv kuv lub dag zog nrhiav tsim kom muaj ntaub ntawv hais txog kab lis kev cai thiab kom hais cov lus kom phim cov me nyuam kuv zov. Kuv hnov tias cov khw muag khoom luv nqi rau koj yog koj yog ib tug xib fwb, tiam sis lawv tsis xam hais tias kuv yog ib tug xib fwb ‘tiag’ ces lawv tsis luv nqi rau kuv.”

